

S. LIBORIUS
 EPISCOPUS
 ET
 CONFESSOR.

EX Celticæ Galliæ prima Nobilitate ori-
 undus, ab ætate primæva in Clerum
 præbens, Cenomanensis Ecclesiæ Episcopus
 electus, vitam doctrinâ magis ornavit, ac do-
 ctrinam vitâ informavit: septendecim con-
 struxit Ecclesias, Oratoria nova excitavit
 perplura, nec ulla fuit Ecclesia in Diœcesi
 sua, in qua divina Officia quotidie celebrari
 non providerit, & Luminaria in ijs semper
 ardere constituerit. Ordinationes fecit no-
 naginta sex, Presbyteros consecravit ducentos
 septendecim, Diaconos centum septua-
 ginta sex, Subdiaconos nonaginta tres. Anno
 quinquagesimo sui Episcopatus in extremis
 positus divino monitu à S. Martino Turonen-
 si Episcopo visitatus, & beato fine consumma-
 tus, divinæ gloriæ admirandis signis, cuius
 gratiæ Charismatibus vivens præfulserat, in
 Tumu-

Tumulo magnificatus est, quæ in Translatione ejus Anno 836. novo accensa splendore adhuc impensius refulserunt, quando Sacrum ejus Corpus, stabilita inter Ecclesias Cenomanensem & Paderbornensem perpetua confraternitate, cum Reliquijs sanctorum Pavatij Archidiaconi, atque Gundanisoli, ex eadem Ecclesia Cenomanica, sub Ludovico Pio Imperatore Paderbornam, devotionis ac patrocinij causâ translatum est. Et dum Sacrum hoc pignus, sub Imperatore FERDINANDO II. in Germania moto Bello, ab Ecclesia Paderbornensi violenter ablatum esset, & ex Tumba S. Præsulis, quam Majorum pietas ex laminis aureis confecerat, moneta cusa cum castris hostilibus variè hinc inde moveretur, tam ante, quàm in ipsa restitutione sacrarum Reliquiarum, hujus Sancti merita apud Deum pretiosa, ac sanctitatis & gloriæ certissima argumenta, diversa miracula illustrârunt, & varijs locis tam Germaniæ quàm Umbriæ Italiæ illustant. Faxit divina Bonitas, ut moderni Belli luctuosissimi eventus & Conatus, qui sancta Ossa & Cineres ab Ecclesia Paderbornensi pluribus Annis proscriperunt, in desideratæ Pacis gaudi-

um conversi, ipsis Reliquijs Sacris illæsam
quietem, & Paderbornensibus interturban-
tam Venerationem erga S. Patronum resti-
tuant. Ejus Festum celebratur 23. Julij.

ORATIO ANTIQVISSIMA.

DE

S. LIBORIO

EPISCOPO ET CONFESSORE

Contra morbum Calculi.

CHristi Præsul egregius
Pro nobis hic LIBORIUS

Oret Deum altissimum,

Ne pro culpa peccaminum

Morbo vexemur calculi,

Succurrant nobis Angeli,

Et post vitæ certamina

Ducant ad vera gaudia.

ψ. Ora pro nobis Beate LIBORI.

℞. Ut à calculi doloribus mereamur crui.

OREMUR.

DEUS qui Beatum LIBORIUM Pontificem
alijs innumeris clarum miraculis spe-
ciali in medendis urinarum & calculi dolo-
ribus

ribus privilegio decorasti, tribue quæsumus, ut ejus meritis & intercessione ita ab ijs & alijs malis eruamur, ut gaudijs perfrui mereamur æternis. Per Christum Dominum nostrum, Amen.

Pharmacum spirituale,

PRO DENTIUM DOLORE.

O Virgo DEI egregia,
Pro nobis Apollonia,

Funde preces ad Dominum.

Ut tollat omne noxium,

Ne pro reatu criminum

Morbo vexemur dentium.

Sed sanitate capitis

Gratulemur & corporis.

Ÿ. Specie tua & pulchritudine tua.

℞. Intende, prospere procede, & regna.

O R E M U S.

DEUS, pro cujus amore Beata Apollonia Virgo & Martyr amaram & horribilem dentium excussionem sustinuit; præsta quæsumus ut ejus precibus & meritis à retro dentium dolore immunes custodiamur, & post hujus vitæ cursum ad beatæ patriæ gaudia perducamur. Per Christum &c.

D 2

O R A -

ORATIO S. AUGUSTINI,

*Sumpta ex magna tabula Lateranensis Ecclesie
quam quoties quis contritus devotè dixerit, octoginta
millia annorum Indulgentias consequetur; & qui
quadraginta diebus eam dixerit, plenariam peccato-
rum remissionem obtinebit, quam BONIFACIUS
VIII concessit, & BENEDICTUS XI
confirmavit.*

DE U S, qui pro redemptione Mundi
voluisti nasci, circumcidi, à Judæis re-
probari, à Juda proditore osculo tradi, vincu-
lis alligari, sicut agnus innocens ad victimam
duci, atque conspectibus Annæ, Caiphæ, Præ-
lati, & Herodis indecenter offerri, à falsis re-
sistibus accusari, flagellis & opprobrijs vexari,
sputis conspui, spinis coronari, colaphis cædi,
arundine percuti, facie velari, vestibus exui,
Cruci clavis affigi, in Cruce levari, inter la-
trones deputari, felle & aceto potari, & lan-
ceâ vulnerari. Tu, Domine, per has sanctissimas
pœnas tuas, quas ego indignus recolo, &
per sanctam Crucem, & mortem tuam, libera
me à pœnis inferni, & perducere digneris,
quò perduxisti latronem tecum crucifixum.
Qui cum Patre, & Spiritu sancto vivis & re-
gnas D E U S in sæcula sæculorum, Amen.

SALVE tremendum cunctis Potestati-
bus Caput Domini Jesu Christi Salvato-
ris nostri, pro nobis spinis coronatum, &
arundine percussum.

Salve speciosissima Salvatoris nostri **J E S U**
Chr. Facies, pro nobis sputis, & alapis cæsa.

Salvete benignissimi Domini **J E S U** Christi
Salvatoris nostri Oculi, pro nobis lacry-
mis perfusi.

Salve mellifluum Os, Gutturq; suavissimum
Domini nostri **J E S U** Christi, pro nobis
felle & aceto potatum.

Salvete Aures nobilissimæ Domini **J E S U**
Christi Salvatoris nostri, pro nobis contu-
melijs & opprobrijs affectæ.

Salve Collum humile **J E S U** Christi, pro no-
bis colaphizatum; Dorsumque sanctissi-
mum, pro nobis flagellatum.

Salvete venerabiles Domini nostri **J E S U** Chri-
sti Manus & Brachia, pro nobis in Cruce
extensa.

Salve Pectus mitissimum Domini **J E S U** Chri-
sti Salvatoris nostri, pro nobis in passione
conturbatum.

Salve Latus gloriosum Domini nostri **J E S U**
Christi, pro nobis lanceâ militis perfo-
ratum.

D 3

Salve-

Salvete Domini JESU Christi Salvatoris nostri
sacra misericordiae Genua, pro nobis in
orationibus flexa.

Salvete Domini JESU Christi Salvatoris nostri
Pedes adorandi, pro nobis clavis affixi.

Salve totum corpus JESU Christi, pro nobis
in cruce suspensum, vulneratum, mortuum
& sepultum.

Salve Sanguis pretiosissime, de corpore Do-
mini J. C. Salvatoris nostri pro nobis effusa.

Salve sanctissima Domini nostri JESU Chris-
ti anima, in Cruce pro nobis in manus Pa-
tris commendata.

In eadem commendatione tibi commendo
hodie, & quotidie animam meam, vitam me-
am, cor, & corpus meum, omnes sensus &
actus meos: omnes amicos, benefactores, fra-
trem, & consanguineos meos: animas paren-
tum, fratrum, sororum, & omnium amico-
rum, ac inimicorum meorum; ut nos prote-
gere, liberare, & defendere digneris ab omni-
bus insidijs inimicorum nostrorum, visibili-
um, & invisibilium, nunc & in perpetuum
Amen. *Pater noster. Ave Maria. Ter.*

Juxta Copiam Romae in Typograph. Rev. Cam. Apol.
Anno 1650. impress. Colon. apud
Will. Friessem.